



## Mam na n kōo tap-kaō-kāngã rāoa, sēn nong Wēend la A Tēn-tuomã, Wēend na n paka sēn tũ ne a nugu

Yi a Abu Hurayrat nengē, (Wēend yard be a yīnga), tı Wēend Tēn-tuuma, (Wēend puusg la A tıgr be a yīnga) yeela Haybar raarã: «Mam na n kōo tap-kaō-kāngã rāoa, sēn nong Wēend la A Tēn-tuomã, Wēend na n paka sēn tũ ne a nugu». A ‘Umar [bn Al-haṭṭaab yeelame: mam ka yı n nong naam sã n ka ra-kāngã, a yeelame: tı mam yals m na-biisã zutu, n tēd tı b na bool maam n kō-a. Tı Wēend Tēn-tuomã (Wēend puusg la A tıgr be a yīnga) bool a ‘Ali [bn Abu Taalib, n kō-a la a yeele: «Kēng la f ra wēnems ye, halı tı Wēend wa pak n kō-fo». A yeelame: t'a ‘Ali kēng bilfu, rē poorē t'a yals la a ka wēnem ye, n yeele: Wēend Tēn-tuomã, m zab ne nebã bōe poorē? T'a yeele: «Zab ne-ba halı tı b maan kaset tı soab sēn na n tũ n tılg ka be rēnda Wēende, la a Muhammad yaa Wēend Tēn-tuuma, la b sã n maan woto, sıd la hakıka b gıdga foom b zumã la b arzεgsã, rēnda hake-rāmb sēn na n zomb-ba, la b geelgã bee ne Wēende».

[Naşun Şahuhun (Gom-sikdem sēn manege)] [A Muslim n togs-a]

Nabiyaamã (Wēend puusg la A tıgr be a yīnga) kōo Şahaabsã kibar tı İslaambã na n tōoga Yahuud-rāmbã beoogo, Haybare, yaa tēng sēn pē Madiina, la woto yaa sēn na n tũ ne rāoa yē sēn na n kō-a tãp-kaorã, la rao-kāngã a sıf-rāmbē wã yaa t'a nonga Wēend la A Tēn-tuomã, tı Wēend ne A tēn-tuomã nong-a. La sıd la hakıka a ‘Umar [bn Al-hattaab (Wēend yard be a yīnga) tēegame tı ad yē ka yı n nong naam sã n ka ra-kāng raarã, n leb n rat tı yı yēnda la b sēn tullã rēnda ra-kāngã, la yaa tēeb tı Wēend Tēn-tuomã (Wēend puusg la A tıgr be a yīnga) sēn yeelã na paam-a, sēn yaa Wēend la A Tēn-tuomã nonglemã, la a ‘Umar (Wēend yard be a yīnga) sundga a mengã, tı Nabiyaamã (Wēend puusg la A tıgr be a yīnga) na yã-a, tı yaa tēeb tı b bool-a n kō-a, la yã-beed maanego ne tãp-kaō-kāng reegre. Tı Wēend Tēn-tuomã (Wēend puusg la A tıgr be a yīnga) bool a ‘Ali [bn Abu Taalib (Wēend yard be a yīnga) n kō-a. La Nabiyaamã (Wēend puusg la A tıgr be a yīnga) sagl-a lame t'a rāmb ne tãpã (sodaasã), la a ra loog n bas zabrã a sēn yek be wã poorē ye, n na n vuuse maa yalsgo, maa zems-taaba halı tı Wēend wa pak kadeng-kāensã n kō-a, ne sōngr la wilbu. T'a ‘Ali (Wēend yard be a yīnga) kēnge rē poorē n yals la a ka wēneg ye, sēn na yı n ra yōsg Nabiyaamã saglgã (Wēend puusg la A tıgr be a yīnga), la a (‘Ali, Wēend yard be a yīnga) zēk a koεga n yeele: Wēend Tēn-tuomã, m zab nebã bōe poorē? T'a yeele (Wēend puusg la A tıgr be a yīnga): Zab ne-ba halı tı b maan kaset tı soab sēn na n tũ n tılg ka be rēnda Wēende, la a Muhammad yaa Wēend Tēn-tuomã, la b sã n sake, n kē İslaangã, sıd la hakıka b gıdga foom b zumã la b arzεgsã, rēnda a hake wã, rat n yeel tı rēndame tı b maana yel-beedo, maa b kuv neda, tı yaa tilae tı b maan-b woto, n zems ne İslaangã buvdã. La b geelg bee ne Wēende.

النجاة الخيرية  
ALNAJAT CHARITY

